



UNIVERSITÄTS-
BIBLIOTHEK
PADERBORN

Universitätsbibliothek Paderborn

Occupatio animae Jesu Christo crvcifixo devotee.

Leroy, François

Pragae, 1666

§.1. Allegoriæ propositæ fundamenta quædam jaciuntur.

[urn:nbn:de:hbz:466:1-47123](#)

§. I.

*Allegorie proposita fundamenta quedam je-
ciuntur.*

Hanc etiam loquendi figuram verbulo nobis indicavit Apostolus, cùm ad Romanos ait: *Si complantati (sive insiticij) facti sumus similitudini mortis ejus: simul & resurrectionis erimus.* Quibus significat, debere nos, qui in baptismo Christi mortem imitamur, ita illi implantari & inseri, ut sicut in hac vita, mortis ac passionis ejus consortes facti fuerimus; ita in altera resurrectionis illius gloriam participemus. Expressius autem S. Ambrosius, tanquam Apostoli sententiam exponeret: *Quin etiam, inquit, ut tener L. 9. in Lue: surculus veteri abscessus ex arbore, in alterius factu radicis inse-
ritur: ita populus hic sanctus, surculi veteris cicatricibus eno-
datus, in novo illo crucis ligno, tanquam gremio pia parentis fotus, inolescit.* Quæ nempe tametsi per se lignum aridum erat & infructuosum, tamen ex quo Christi sanguine irrigata refloruit, fructum cœpit nobis beatæ immortalitatis adferre.

Rom: 6.

c. 20.

Epist: III.

Eandémq; video S. Catharinæ Senensi non semel inje-
stam cogitationem: quippe quæ & in oratione quadam
ait: ipsum Christum corpus suum ligno crucis insevisse, &
nos ipsi Christo inserendos per passionum tolerantiam &
sancta desideria; ad producendos fructus vitæ. Et in qua-
dam ad B. Raymundum Confessarium suum epistola; do-
cet cor & affectus nostros in arborem crucis cum Christo si-
se inserendos, &c.

Ex quo nobis sese confessim aperit prima atque sum-
ma hujus contemplationis utilitas. Nam si arbori crucis,
seu vitali truncō, insiti sumus; profectò non nostros, hoc
est veteris Adæ, sed Crucis sive Crucifixi, hoc est, Adæ no-
vi, fructus feremus. In hac quippe mystica insitione, quâ
agre-

Rom. ii. agrestis surculus (ut in pari causa Paulus loquitur) contraria turam inseritur in bonam arborem, non, quemadmodum, naturā comparatum est, insitivus ramulus jam poma proficiunt generis, sed primævæ oblitus indolis, fructus novæ matris, à qua adoptatus est, consentaneos edere condiscit. *U*nde proinde qui cruci Christi velut surculus insitus & incorporeus sit, uti jam non potest nisi de crucis succo vivere, neque fructus nisi juxta trunci naturam, hoc est, ipsi cuius congeneres, aut Crucifixo conformes ferre. Quem etiam in sensum adduci potest, quod ait Apostolus: *Ubi & quis vunt* (tanquā insiti Christo per gratiam) *jam non sibi vivunt*, *sed ei qui pro ipsis mortuus est*: hoc est, non jam indolis antiquæ, sed arboris novæ fructus edant: quippe, utib[us] Ep: 4. ad Se- dit, in Christo nova creatura effecti; seu (ut vocem imiteret) *Paulini* ipsius succo per adoptionis beneficium medullas.

Qui autem, amabō, crucis fructus sunt? nisi quibus illa, cūm eam Christus complexus est, probè onerata & cōvestita apparuit; clavi, spinæ, lancea, acetum, fel, plaga, fīvor, sputa, nuditas, opprobria, pavor, moror, angustia, tedium, exterior interiōrque; ab omni solatio desertio? Haec enim propriæ, quantum appetet, crucis opes sunt, hæc istius arboris messis atque proventus.

Porro Crucifixi fructus proprios quos esse dicam? *U*nus heroicarum virtutum actus, quos mortalibus adhuc incognitos, instar arboris novæ, atque ex alio celo adveni, mundo protulit: domare carnem, refrænare sensus, cupiditates frangere, horrere mollia, asperis delectari, gloriam contemptu, gaudere vexationibus, dolores amare, le ipsius odiisse, inimicos diligere, voluntatem suam divino beneplacito, quicunque tandem casus incidat, plenè atque cruce subiçere.

Peregrini, fateor, & penè etiamnum ignoti mundi id genus fructus sunt, & rari satis apparent in terra nostra.

Nam

Nam & ipsa arbor non hujus soli aut coeli est, & seu glebae virtus, seu culturæ neglectu, ægrè nobis & malignè provenit. Quod non eò dixerim, quasi non ubique nascantur crues; quæ etiam nullo satu aut cultu, passim per se proveniant: sed nos in præsentia de Jesu Christi eruce loquimur, quam eò dicimus, plerisque in locis infeliciter succrescere, passimq; adversa & iniqua gleba conflectari, quod pauci sint mortales, qui pati ament, qui vexari & opprimi gaudeant, qui malorum suorum patientiam pio ad Christum pro se passum respectu condiant ac consecrent; qui denique spontanea & hilari passionis Christi imitatione, Christi crucem, suam faciant; aut sanè crues suas, unde unde tandem enatas, in sanctam Christi cruem inferant, suosq; dolores ac molestias, quæcumque sint, cum acerbissimis illius doloribus, & amara passione conjungant.

Attamen hoc potissimum tendet omnis ab Christi amatore suscepta mentis exercitatio, ut ei quorumvis malorum tolerantia, amore Christi atque exemplo, dulcescat deniq; & sappiat; itaq; crucis fructus, quasi tempore ipso ea arbor austoritatem suam ac peregrinitatem exuerit, ipso usu nobis in asperitudinem primùm & familiaritatem, tum in dulcedinem, & velut in naturam transcant. Sanè quidem, etsi priusquam Deus Filius (qui germen Domini ab Isaia appellatur) infelici huic ligno insertus & concorporatus est, ipsum crucis nomen, res non dicam fatuā atque insulsa, sed saporis erat ingratisimi, nec erat quisquam, qui gustaret mortem istam: tamen posteaquam suo intimo amplexu Salvator suum illi sanguinem indidit, suum tanquam succum infudit, suo illam sapore ac suavitate impertijt; exinde crux cœpit sensibus nostris dulcescere, ipsiusq; fructus ad vescendum suaves, & aspectu delectabiles esse, ijs saltē, quibus & oculis & gustatum acuerit germana Christi dilectio.

Izai. 4.